

ESTATUTOS DO

CENTRO GALEGO DE CASTELLÓ

“O ATURUXO”

**Presentados pola Xunta Directiva ante a
Asemblea Xeral Extraordinaria celebrada o día
22 de Maio de 2.004 e aprobados por
unanimidade.**

ESTATUTOS

Art. 1º Denominación

Constituída en data 1 de Marzal do 1993, a Asociación denominada **CENTRO GALEGO DE CASTELLÓ O ATURUXO**, adáptase ó disposto na lei Orgánica 1/2002, de 22 de marzal, reguladora do Dereito de Asociación, e ó amparo do disposto no artigo 22 da Constitución, carecendo de ánimo de lucro.

Art. 2º Personalidade Xurídica

A Asociación ten personalidade xurídica propia e capacidade plena de obrar para administrar e dispor dos seus bens e cumprí-los fins que se propón.

Art. 3º Enderezo e ámbito de actuación

O enderezo da Asociación establécese en Castellón de la Plana, rúa Pérez Dolz, nº 9 Baixo Dereita, código postal 12003.

Art. 4º Fins

Constitúen os fins da Asociación:

- a) Promover e difundir tódolos valores de Galicia, a súa personalidade, súa arte, súa lingua, súas distintas manifestacións culturais, súas tradicións e costumes populares.
- b) Fomenta-lo coñecemento de tódolos aspectos sinalados no apartado anterior por outros pobos, e ser expoñente dos mesmos na provincia de Castellón de la Plana e os seus pobos, así coma no resto da Comunidade Valenciana.
- c) Servir de encontro ós seus socios, establecendo e fomentando entre eles relacións de cordialidade y amizade.
- d) Fomenta-la participación dos socios nas súas diversas actividades, estimulando a cooperación de todos en orden á concentración dos seus fins.

Art. 5º Actividades

Para o cumprimento dos fins numerados no artigo anterior, realizaranse as seguintes actividades:

- a) Cursos e conferencias sobre a cultura galega.
- b) Cursos de lingua, historia e literatura galegas.
- c) Cursos de baile tradicional galego.
- d) Cursos de música e instrumentación galega.
- e) Grupos folclóricos de baile e música tradicional galega.
- f) Exposicións das distintas manifestacións culturais e artísticas.
- g) Concursos e certames literarios, musicais e artísticos.
- h) Actividades deportivas.
- i) Celebracións dos eventos e festas tradicionais da Comunidade Autónoma Galega.
- j) Mostras e degustacións gastronómicas.

CAPITULO II .- OS ASOCIADOS

Art. 6º Capacidade

Poderán formar parte da Asociación tódalas persoas físicas e xurídicas que, libre e voluntariamente, teñan interese no desenvolvemento dos fins da asociación da cordo cos seguintes principios:

- a) As persoas físicas con capacidade de obrar e que non están suxeitas a ningunha condición legal para o exercicio do dereito.
- b) Os menores, non emancipados de máis de catorce anos de idade, deben contar co consentimento documentalmente acreditado, das persoas que deban suplir a súa capacidade.
- c) As persoas xurídicas, previo acordo expreso da súa Xunta Directiva, deberán presentar unha solicitude por escrito a Xunta Directiva, e esta resolverá na primeira xunta que faga; si o solicitante axustase as condicións esixidas nos estatutos, a Xunta Directiva non lle poderá denegar a admisión.

A condición de asociado é intransferible.

Art. 7º Dereitos dos Asociados

Os dereitos que lle corresponden os asociados son os seguintes:

- a) A participar nas actividades da Asociación e nos órganos de goberno e representación, a exercer o dereito de voto, así coma asistir a Asemblea Xeral, de acordo cos Estatutos. Para poder ser membro da Xunta Directiva é requisito imprescindible ser maior de idade, estar en pleno uso dos dereitos civís e non estar incurso nos motivos de incompatibilidade establecidos na lexislación vixente.
- b) A ser informados acerca da composición de la Xunta Directiva e representación da Asociación, do seu estado de contas e do desenvolvemento da súa actividade. Poderán acceder a toda a información o traveso da Xunta Directiva.
- c) A ser escoitado con carácter previo a adopción de medidas disciplinarias contra él, e ser informado dos feitos que dean lugar a tales medidas, debendo ser motivado o acordo que, no seu caso, impoña a sanción.
- d) A impugnar os acordos da Xunta Directiva contrarios a Lei e os Estatutos.

Art. 8º Deberes dos Asociados

Os deberes dos asociados son:

- a) Comparti-las finalidades da Asociación e colaborar para a consecución das mesmas.
- b) Pagar as contribucións, derramas e outras custas que, con arrego os Estatutos, poidan corresponderlle a cada socio, condición necesaria para poder exercer seus dereitos.
- c) Acatar e cumprir os acordos validamente adoptados por la Xunta Directiva da Asociación .
- d) Axustar a súa actuación as disposicións estatutarias.

Art. 9º Causas de baixa

Son causa de baixa da Asociación:

- a) A propia vontade do interesado, comunicada por escrito a Xunta Directiva. Poderá percibi-la participación patrimonial inicial e outras custas económicas realizadas sen incluír as custas de pertinencia a asociación sempre ca redución patrimonial non implique prexuízos a terceiros.
- b) Non satisfacer as contribucións fixadas, se deixara de facelo durante 3 meses consecutivos

Art. 10º Réxime Sancionador

A separación da Asociación dos asociados por motivo de sanción terá lugar cando cometan actos que os fagan indignos de seguir pertencendo a aquela. Se presumirá que existe este tipo de actos:

- a) Cando adrede o asociado impida ou poña trabas o cumprimento dos fins sociais.
- b) Cando adrede obstaculice de calquera xeito o funcionamento da Xunta Directiva da Asociación.

De calquera xeito para acorda-la separación por parte do órgano de goberno, será necesario a tramitación dun expediente disciplinario que contemple a audiencia do asociado afectado.

Art. 11º Socios de Honra

Serán Socios de Honra do CENTRO GALEGO DE CASTELLÓ O ATURUXO, aquelas persoas ou entidades que, a proposta da Xunta Directiva, sexan merecedoras de tal distinción en razón de súa actuación a favor da Asociación, que promovesen ou realizasen actos de achegamento ou solidariedade con Galicia e as súas xentes, e así o ratifique e aprobe a Asemblea Xeral. Tamén poderán ser distinguidos con esta categoría os socios de número que reúnan os sinalados requirimentos. Os Socios de Honra non terán voto nas Asembleas Xerais.

CAPITULO III.- DO ORGANO DE GOBERNO

Art. 12º A Asemblea Xeral

A Asemblea Xeral, é o órgano supremo de goberno da Asociación, integrado por tódolos asociados por dereito propio irrenunciable e en igualdade absoluta, que adopta seus acordos po-lo principio maioritario ou de democracia interna.

Todos os membros quedarán suxeitos os acordos da Asemblea Xeral, incluso os ausentes, os disidentes é os que inda estando presentes abstivéranse de votar.

Art. 13º Xuntanzas da Asemblea

A Asemblea Xeral xuntarase en sesión ordinaria como mínimo unha vez o ano, preferentemente dentro do primeiro trimestre.

A Asemblea Xeral xuntarase con carácter extraordinario sempre que sexa necesario, e a requirimento dun número de asociados que represente, como mínimo, un dez por cento da totalidade.

Art. 14º Convocatoria das Asembleas

As convocatorias das Asembleas Xerais, tanto ordinarias como extraordinarias, faranse por escrito. Os anuncios da convocatoria poñeranse nos lugares de costume con quince días de antelación como mínimo. Sempre que sexa posible convocaráselle individualmente a tódolos membros.

Na Acta que se redacte de cada xuntanza, reflexarase un extracto das deliberacións, ó texto dos acordos que se teñan adoptado e o resultado numérico das votacións. O comezo de cada xunta da Asemblea Xeral lerase o Acta da xuntanza anterior o fin de que se aprobe ou non.

Art. 15º Competencias e validez dos acordos

A Asemblea quedará constituída validamente en primeira convocatoria coa asistencia dun mínimo dun terzo dos asociados presentes ou representados; e en segunda convocatoria, sexa cal sexa o número deles, terase que celebrar media hora despois da primeira e no mesmo lugar.

Nas xuntanzas da Asemblea Xeral, correspóndelle un voto a cada membro da Asociación.

Son competencia da Asemblea Xeral:

- a) Aprobar, no seu caso, a xestión da Xunta Directiva.
- b) Examinar e aprobar ou recusar os presupostos anuais de ingresos e gastos, así como a memoria Anual de actividades.
- c) Establecer as liñas xerais de actuación que permitan a Asociación cumprir os seus fins.
- d) Dispoñer tódalas medidas encamiñadas a garantir o funcionamento democrático da Asociación.
- e) Fixar as contribucións ordinarias ou extraordinarias.
- f) Elixir os membros do órgano de representación.
- g) Adoptar os acordos referentes a:
 - Expulsión dos socios, a proposta da Xunta Directiva.
 - Constitución de federacións ou de integración nelas.
 - Solicitud de declaración de utilidade pública.
 - Disolución da Asociación.
 - Modificación dos Estatutos.
 - Disposición e enaxenación de bens.
 - Remuneración, no seu caso, dos membros da Xunta Directiva.

Os acordos tomaranse por maioría simple dos socios presentes ou representados, cando os votos afirmativos superen os negativos. Non obstante, requiriranse maioría cualificada das persoas presentes ou representadas, que resultará cando os votos afirmativos superen a metade, os acordos relativos a disolución da asociación, modificación dos Estatutos, disposición ou enaxenacións de bens e remuneración dos membros da Xunta Directiva, sempre que se haxa convocado especificamente con tal xeito a Asemblea correspondente.

CAPITULO IV.- O ORGANO DE REPRESENTACIÓN

Art. 16º Composición do órgano de representación

A Asociación a rexerá, administrará e representará o órgano de representación denominado Xunta Directiva, que estará formada polo Presidente, Vicepresidente, Secretario, Vicesecretario, Tesoureiro, Vice-tesoureiro y un número de Vocais non inferior a tres.

A elección dos membros da Xunta Directiva farase por sufraxio libre e segredo dos membros da Asemblea Xeral. Poderán ser elixidos membros da Xunta Directiva, os que figuren na candidatura correspondente e reúnan os seguintes requisitos: ser maior de idade, ser socio de número da Asociación, estar o corrente de pago das súas contribucións, estar no pleno uso dos dereitos civís e non estar incurso nos motivos de incompatibilidade establecidos na lexislación vixente, debendo as mesmas ser presentadas na Secretaria da Asociación con anterioridade os dez días a data de celebración da correspondente Asemblea Xeral, para a supervisión e publicidade no taboleiro de anuncios da mesma.

Serán proclamados os candidatos da lista mas votada.

Os cargos de Presidente, Secretario y Tesoureiro deberán recaer en persoas diferentes.

O exercicio dos cargos será de balde

Art. 17º Duración do mandato da Xunta Directiva

Os membros do órgano de representación, exercerán o cargo durante un período de 4 anos, podendo ser reelixidos indefinidamente.

O cese no cargo antes de extinguirse o seu termino regulamentario poderá deberse a:

- a) Dimisión voluntaria presentada mediante escrito no que se razoen os motivos.
- b) Enfermidade que incapacite para o exercicio do cargo.
- c) Causar baixa como membro da Asociación.

As vacantes que se produzan na Xunta Directiva cubriranse na primeira Asemblea Xeral que se faga. Non obstante, a Xunta Directiva poderá contar, provisionalmente, hasta a próxima Asemblea Xeral, con un membro da Asociación para o cargo vacante.

Art. 18º Competencias da Junta Directiva

La Xunta Directiva ten as facultades seguintes:

- a) Ostentar e exercitar a representación da Asociación, levar a termino a dirección e a administración do xeito máis ampla que recoñeza a lei e cumprir os acordos tomados polo-la Asemblea Xeral, e de acordo coas normas, as instrucións e as directrices xerais que esta Asemblea Xeneral estableza.
- b) Tomar os acordos necesarios para a comparecencia ante os organismos públicos, para o exercicio de toda clase de accións legais e para interpoñer os recursos pertinentes.
- c) Resolver sobre a admisión de novos asociados, levando a relación actualizada de tódolos asociados.
- d) Propoñer a Asemblea Xeral o establecemento das contribucións cos membros da Asociación teñan que satisfacer.

- e) Convoca-las Asembleas Xerais e controlar cos acordos que alí se teñan, se cumbran.
- f) Comunicar o rexistro de Asociacións, a modificación dos Estatutos acordada pola Asemblea Xeral no prazo dun mes.
- g) Presentar o balance e estado de contas de cada exercicio a Asemblea Xeral para que os aprrobe, e confeccionar os presupostos do exercicio seguinte .
- h) Levar unha contabilidade conforme as normas específicas que permita obter a imaxe fiel do patrimonio, do resultado e da situación financeira da entidade.
- i) Efectua-lo inventario dos bens da Asociación.
- j) Face-la memoria anual de actividades e sometela a aprobación da Asemblea Xeral.
- k) Resolver provisionalmente calquera caso non previsto po-los presentes Estatutos e dar conta de lo na primeira Asemblea Xeral subseguinte.
- l) Calquera outra facultade que non este atribuída dun xeito específico nestes Estatutos a Asemblea Xeral.
- m) Face-lo Regulamento de réxime interior e de funcionamento das actividades.

Art. 19º Xuntanzas da Xunta Directiva

La Xunta Directiva convocada previamente po-lo Presidente ou a persoa que o supla, reunirse en sesión ordinaria coa periodicidade que seu membros decidan, que en todo xeito, non poderá ser maior os dous meses. Xuntaranse en sesión extraordinaria se o pedise un terzo dos seus compoñentes.

La Xunta Directiva quedará validamente constituída con convocatoria previa e un quórum da metade máis un dos seus membros.

Os membros da Xunta Directiva están obrigados a asistir a tódalas xuntanzas que se lle convoquen, podendo escusar súa asistencia por causas xustificadas. De calquera xeito, será necesaria a asistencia do Presidente e do Secretario ou das persoas que os suplan.

A Xunta Directiva tomará os acordos por maioría simple de votos dos asistentes. No caso de empate, o voto do Presidente será de calidade.

Os acordos da Xunta Directiva faranse constar no libro de actas. O principiar cada xuntanza da mesma lerase o acta da sesión anterior para que se aprrobe ou se rectifique.

Art. 20º O Presidente

O Presidente do CENTRO GALEGO DE CASTELLÓ O ATURUXO, tamén será Presidente da Xunta Directiva.

Son propias do Presidente, as seguintes funcións:

- a) As de dirección e representación legal da Asociación, por delegación da Asemblea Xeral e da Xunta Directiva.
- b) A presidencia e a dirección dos debates da Asemblea Xeral e da Xunta Directiva.
- c) Asinar as convocatorias das xuntanzas da Asemblea Xeral e da Xunta Directiva.
- d) Da-lo vista prace as actas e os certificados feitos polo Secretario da Asociación.
- e) As atribucións restantes propias do cargo, e as que lle delegue a Asemblea Xeral ou a Xunta Directiva.

O Presidente substituirao, en caso de ausencia ou enfermidade, o Vicepresidente ou o vocal da Xunta Directiva, designado o efecto.

Art. 21 O Tesoureiro

El Tesoureiro terá como función a custodia e o control dos recursos da Asociación, ese coma o confeccionamento do presuposto, o balance e liquidación das contas, o fin de sometelos a Xunta Directiva, conforme determinase no artigo 18º de estes Estatutos. Asinará os recibos, contribucións e outros documentos da tesourería. Pagará as facturas aprobadas po-la Xunta Directiva as cales terán que ser visadas previamente po-lo Presidente.

Art. 22 O Secretario

O Secretario debe custodiar a documentación da Asociación, redactar e asinar as actas das xuntanzas da Asemblea Xeral e da Xunta Directiva, redactar e autorizar as certificacións que teña que librar, así como ter actualizada a relación dos asociados.

CAPITULO V O REXIMEN ECONOMICO

Art. 23º Patrimonio inicial e recursos económicos

O patrimonio inicial de esta Asociación no momento da súa constitución era de **CERO** pesetas.

O presuposto anual será aprobado cada ano na Asemblea Xeral Ordinaria.

Os recursos económicos da Asociación nutriranse de:

- a) Das contribucións que fixe a Asemblea Xeral os seus membros
- b) Das subvenciones oficiais ou particulares.
- c) De doazóns, herdanzas ou/e legados.
- d) Das rendas do mesmo patrimonio ou ben de outros ingresos que se poidan obter.

Art. 24 Beneficio das actividades

Os beneficios obtidos, derivados do exercicio de actividades económicas, incluídas as prestacións de servizos, destinaranse exclusivamente o cumprimento dos fins da Asociación, sen que poida en ningún caso o seu reparto entre os asociados ni entre os seus conxugue ou persoas que convivan con aqueles coa mesma relación de afectividade, ni, entre seus parentes, nin a súa cesión de balde a persoas físicas ou xurídicas con interese lucrativo.

Art. 25º Contribucións

Tódolos membros da Asociación teñen a obriga de sostela economicamente, mediante contribucións ou derramas, de xeito e na proporción que determine a Asemblea Xeneral a proposta do órgano de representación.

A Asemblea Xeral poderá establecer contribucións de ingreso, contribucións periódicas mensuais, e contribucións extraordinarias.

El exercicio económico quedará pechado cada 31 de Decembro

Art. 26 Disposición de fondos

Nas contas correntes, ou libretos de aforro abertas en establecementos de crédito, deben figurar o asinado do Presidente, o Tesoureiro e do Secretario.

Para poder dispor de fondos, serán suficientes dous asinados, dos que, unha será sempre a do Tesoureiro, ou ben a do Presidente.

CAPITULO VI.- DISOLUCIÓN DA ASOCIACIÓN

Art. 27 Causas de Disolución e entrega do sobrante

A Asociación poderá desfacerse:

- a) Se ase o acorda a Asemblea Xeral convocada expresamente para este xeito e co voto favorable de mais da metade dos socios presentes ou representados.
- b) Polas causas determinadas no artigo 39 do Código Civil.
- c) Por sentenza xudicial firme.

Art. 28 Liquidación

A disolución da asociación abre un tempo de liquidación, hasta o fin do cal a entidade conservará a súa entidade xurídica.

Os membros da Xunta Directiva no intre da disolución convértense en liquidadores, salvo que a Asemblea Xeral designe a outros, ou ben os que o Xuíz, no seu caso decida.

Correspóndelle os liquidadores:

- a) Coidar pola integridade do patrimonio da Asociación.
- b) Acabar as operacións pendentes e facer as novas que sexan precisas para a liquidación.
- c) Cobra-los créditos da Asociación.
- d) Liquida-lo patrimonio e pagar os acredores.
- e) Aplicar os bens sobrantes da Asociación os fins previstos po-los Estatutos.
- f) Solicitar a cancelación dos asentos no Rexistro correspondente.

En caso de insolvencia da Asociación, a Xunta Directiva, si é o caso, os liquidadores teñen de promover inmediatamente o axeitado procedemento concursal ante o Xuíz competente.

O remanente neto que resulte da liquidación destinarase directamente a FUNDACIÓN GALICIA EMIGRACIÓN.

Os asociados non responden persoalmente das débedas da Asociación.

Os membros ou titulares dos órganos de goberno e representación, a mais das persoas que o fagan no seu nome e representación da Asociación responderán ante esta, ante os asociados e ante terceiros por los danos causados e as débedas contraídas por actos dolosos, cúlposos ou negligentes.

CAPITULO VII.- RESOLUCIÓN EXTRAJUDICIAL DE CONFLICTOS

Art. 29º Resolución extrajudicial de conflictos

As cuestións litixiosas que poidan surtir do feito das actuacións desenvoladas ou das decisións adoptadas no seo da asociación, resolveranse mediante arbitraje, o traveso dun procedemento axustado o disposto pola Lei 36/1.988 de 5 de Decembro de Arbitraje, e coa suxeición, en tódolos xeitos, os principios esenciais de audiencia, contradición e igualdade entre as partes .

En Castellón da Plana os vinte e dous días do mes de Maio de dous mil catro.